

I yu'xarij ti anaquéej jo'yú'xaca' a'íjna i San Pedro

Pedro pu hua'tyojtye' a'íjma i maj tyá'tzaahuatye'

1 ¹Nyáaj Pedro, i nyaj jahuiire' i Ciríistu', yaa nu já'muatyoytye' mua'ajmaj mu siaj Ponto ja'chej, nyajta mua'ajmaj Galacia siaj ja'chej, siajta séecan a'ájna a Capadocia, ajta a'ájna a Asia, ajta a'ájna a Bitinia, ²a'íjma i Dios ti anaquéej hua'antyíhuoj a'yájna ti'ij a'íin tya'tóoratiiri'. A'íj pu jitze ma'can i ju júuricamej jamuaajájuarej siaj sij ja'rá'astijre'en siajta tyámua' huárinyij a'íjna jime' i xúuria'ra' i Ciríistu'. Che' i Dios tyámua' tyajamuáacha'íin ajta jamuaatyápua'ritye'en ja'mua tzajta'.

A'íjna i ti jin tyi'ijchó've' a'íjna i ti tyá'tzaahuatye'

³Tyiche' tyaatatyójtzi're'en i Dios ti ajta vástaria'ra' pué'een i tavástará' Jesús ti Ciríistu' pué'een, a'íi pu jéehua tá'ancu'vaxij ajta taatá' tyej tyij jájcuan jin huanánie'huaj, a'yájna ti'ij ajta i Ciríistu' tyu'tájuuriaca'. A'íi pu'ij tatá'caa tyej tyij jajchó've'ej a'íjna i tyaj jin júurij tá'ju'un, ⁴ajta taatá'sij ti táaci'tyij i Dios ti arí tyámua' tyú'ruuj, a'íjna i tiquee a'náj je'ej rinyij, capu ajta a'náj huatyéchoomuarij, ajta quee a'náj ja'huóopua'rixí'ij. ⁵A'íjna jime' i siaj jin mua'aj tyá'tzaahuatye', a'íi pu ja'muacha'ij a'íjna jime' i ti néijmi'i jin putyí'uurej ti'ij jamuáahuiire'en, a'íjna jime' i ti tyámua' een, a'íi pu huataséjre'ej a'ájna xicáara' jitze ti'ij néijmi'i tye'entyipuá'rij.

⁶A'íj xu jin mua'aj jéehua jutyamua've'ej a'íjci jime' ti Dios tyámua' tyajamuaatá'sij, tyij ajta a'yan tyúuxie've' siaj a'íjna jin mue'tíj ijíj jaapuéjtzitarej. ⁷Ji'nye a'íjna i siaj jin tyá'tzaahuatye', a'yaa pu een ti'ij ooroj, a'íjna i ooroj a'yaa pu tyúuxie've' maj jaatyáteeraj ta'aj ij jumua'tij tá'ra'nyij. A'íjna i siaj jin tyá'tzaahuatye' siajta jin jajpuéjtzij, jéetze' pu tyí'huire' quee a'íjna i ooroj i ti í'rij maj jaatyú'uunaj. A'íj pu jin i siaj jin tyá'tzaahuatye' a'yan tyúuxie've' siaj néijmi'i tyo'táviicue', siaj sij néijmi'i tya'ancuriáan i Ciríistu' jimi.

⁸Mua'aj xu jaxie've' i Ciriistu', maj siajta quee xu a'náj jaaséj, siajta jitzán tyá'tzaahuatye', ajta a'íjna i siaj jin jéehua jutyamua've' capu i'ríj tyaj jaataxáj nyúucarij jime', ⁹ji'nye mua'aj xu seríj tin néijmi'i tyu'táa'sij a'íjna jime' i siaj tyá'tzaahuatye', ajta a'íjna jin já'muahuiire'en.

¹⁰A'íimaj i maj tyí'xajtaca'aj i Dios jitze ma'can, a'íi mu jájcuaj imuáj jaataxájtaca' a'íjna i ti jin i Dios tyámua' tyajamuaatyátoosij, a'íi mu majta a'yan tyá'huooca'aj, majta a'íjna jin tyí'mua'ajcaa mej mij yo'itéej muá'ra'nyij. ¹¹A'íjna i júuricama'ra' i Ciriistu' a'yaa pu tyihuo'té'exaaaj a'íjma i maj Dios jitze ma'can tyí'xajtaca'aj, mej mij jáamua'reej je'ej ti tya'ajpuéetzij ta'me'nyíche' i Ciriistu', ajta je'en je'ej ti tye'mej majca'huáye, a'yaa mu mij a'íimaj tyá'huooca'aj mej mij jáamua'reej a'náj ti a'yan tye'mej. ¹²A'yaa pu Dios tyihuo'tá' mej mij jáamua'reej tiquee hua' jime' tyí'xajtaca'aj, sulu mua'ajmaj pu tyajámua'ixaatya'ca'aj. A'íi pu'ij a'íin pué'een i maj jamuáa'ixaj i nyúucaria'ra' i Dios, a'íjna jitze ma'can i júuricama'ra' i Dios tajapuá ti já'ma'can. Majta a'íimaj i maj tajapuá tyí'huiire', a'yaa mu tyá'xie've' mej mij néijmi'i a'íjna tyu'séj.

Dios pu ta'ixaatye' tyej tyij tyámua' tyi'tyítacha'íiij

¹³A'íj xu jin, siata'aj tyámua' eenye' siajta tyámua' metyityoomuámua're'ej. Néijmi'i xu jin i Dios jimi tyi'ijchó've'ej a'íjna i ti tyajámua'ci'tyij i ti jin i Dios tyámua' tyajamuaatá'sij a'ájna xicáara' jitze ti huataséjre'en a'íjna i Jesús ti ajta Ciriistu' pué'een. ¹⁴Siata'aj a'yan cha'taj siana'aj eenye' mati'ij i ti'ríj i maj huá'astijre' i juhuásimua', caxu che' je'ej pua'aj tyityetyúucha'íiij ti'ij ará'tyeej tyajamua'ránajchica'aj, siati'ij quee xu jamua'tyáacaj i Dios. ¹⁵Sulu siata'aj néijmi'i ji'rén'ye'ej séjre'ej, ji'nye a'íjna i Dios ti jamuaatajé, a'íi pu ji'rén'ya'aj séjre', ¹⁶ajta a'yan tyé'yu'si' i yu'xarij jitze tijin: "Siata'aj ji'rén'ye'ej séjre'ej, ji'nye nyáaj nu ji'rén'ya'aj séjre'."

¹⁷Típua'aj a'yan siaatamuá'muatye'en yee jutáataj, a'íjna i Dios ti juxa'aj na'aj tyihuá'xijtye'en i tye'ítyee je'ej ti síj tyi'tíj jin huaríj, a'yaa pu tyúuxie've' siaj jéehua tzáahuatyí'ra'aj jimi tyícha'íiij siati'ij siooj a'yan séjre'ej i cháanacaj japua. ¹⁸Dios pu mua'ajmaj ja'mua japua huatanyúj, siati'ij je'ej pua'aj tyityetyúucha'íica'aj, a'íjma siaj jitze jaarí'rej i já'muahuasimua'ci'ij, siajta mua'aj a'yan tyá'mua'reej ti i Ciriistu' quee a'íjna jin tyu'nájchitaca' i ooroj nusu i pláataj ti á'pua'ren, ¹⁹sulu a'íi pu i Ciriistu' a'íjna jin tyu'nájchitaca' i juxúure', ti'ij a'yan tyu'tóomu'vejritaca' ti'ij cánya'aj tiquee cápítie'nyi' ajta quee tyi'tíj jin á'itzeere'. ²⁰Ciriistu' pu a'yan tye'entyihuaviihuaca' ti'ij quee eexúj séria'caj i cháanacaj, ti'ij a'íjna jin tyu'tyáhuuiire'en, ajta ijíj ti'ij néijmi'i tye'entyipua'rij, Ciriistu' pu yan huataséjre ti'ij mua'ajmaj jamuáahuuiire'en. ²¹Ciriistu' xu mua'aj jitze ma'can

tyá'tzaahuatye' i Dios jimi, a'íjna i ti jaatájuuritey ajta tyámua' tyeetyájtoo, a'íj xu jin mua'aj tyá'tzaahuatye' siajta i Dios jimi tyi'ijchó've'.

²² Siajta mua'aj, a'íj xu jitze tyá'antzaahuaj i nyúucarij ti a'yan tyi'ja'yájna, siaj sij tzáahuatyi'ra'aj jin huo'xié've'en i ju'ihuámua'. A'íj pu jin siata'aj néijmi'i jin i juxiéjnyu'caa huóoxie've'en, siajta néijmi'i jime' i siaj jin juca'nyej séej jamuán siajta séej. ²³ Ji'nye mua'aj xu siajtáhua'aj jájcuan jin huanánie'huaca' caxu che' a'íjna jime' i ti já'puaapua'rej, sulu a'íjna jime' i nyúucaria'ra' i Dios ti jusén jin júurij. ²⁴ Ji'nye a'yaa pu tyé'yu'si' i yu'xarij jitze tijin:

Néijmi'i mu i tyeétyee a'yan een ti'ij a'íjna i tu'píj,
ajta i maj jin óotzaahuatye' a'yaa pu een ti'ij i xúuxu'ra'an i tu'píj.
A'íi pu i tu'píj huatyáhuasij ajta je'en i xúuxu'ra'an cáavatzij,

²⁵ ajta i nyúucaria'ra' i Dios, a'íi pu jusén jin séeria'aj ta'mej.

Ajta a'íjna i nyúucarij, a'íi pu a'íin pu'éen i maj mua'ajmaj jamuáa'ixaa.

2 ¹ A'íj pu jin a'yan tyúuxie've' siaj néijmi'i tyu'tátoonyij i siaj jin je'ej pua'aj ricij, siajta je'ej pua'aj tyihuá'xaj tyeétyee, nusu siaj huá'cuanamuaj, na'ríij i siaj jin óochueere' séej jamuán siajta séej, siajta i siaj jin huetzij jin séecan tyí'xajtzi'. ² Siata'aj a'yan huárinyij mati'ij i ti'ríij, i maj jahuoo mej mij huátze'nyij i junáanaj jitze, mej mij a'íjna jin huahuóse'en, ajta je'en huó'huíire'en, ³ ji'nye mua'aj xu seríj jáamua'reeri' ti i tavástara' tyámua' tyaja'muacha'ij.

Ciríistu' pu a'íin pu'éen i tyetyéj ti júurij

⁴ Siata'aj ajtyáxiirej i tavástara' jimi, i ti a'íin pu'éen i tyetyéj ti júurij i maj i tyétyacaa majuuhuá'xij, ajta i Dios pu a'yan tye'entyíhuo ti'ij jéehua huápu'ij tyu'tyáhuíire'en. ⁵ A'yaa pu'ij i Dios tyámua' já'mua'uuren siaj sij a'yan tyu'tyáhuíire'en ti'ij i tyetyéj ti júurij, i ti jin chi'ij ájtaavijhua, siaj sij tyi'tíj jin va'cán jin tyitye'entyájrutey, siata'aj tyámua' tyityaaju'un siaj sij a'íjna jin tyu'támu'vejritaj i Ciríistu' jitze ma'can, ta'aj ij i Dios ja'ancuriá'an a'íjna i mu'véjrij ti naa een. ⁶ A'íj pu jin ajta a'yan tyá'xaj i yu'xarij jitze tijin:

Nyáaj nu je'tyájrjaj a'ájna a Sión séej i tyetyéj,

a'íi pu pu'éen i tyetyéj ti anájcaj,

i nyaj ja'antyíhuoj ti ajta jéehua tyá'najchij,

ajta a'íjna i ti jitzán tyú'ca'nyej capu huatóotyevi'ra'astaj.

⁷ Ajta ja'mua jimi mu siaj tyá'tzaahuatye', a'íjna i tyetyéj jéehua pu tyá'najchij, ajta a'íimaj jimi i maj quee tyá'tzaahuatye', a'yaa pu tye'mej je'ej ti tyé'yu'si' i yu'xarij jitze a'yan tijin:

A'íjna i tyetyéj i maj majuuhuá'xij i maj chi'ij ta'huacaa,

a'yaa pu tye'rájraa ti a'íin pue'éenye'ej ta'raj i ti jéetze' juxie've'.

⁸ Ajta i ti a'yan tyá'xaj tijin:

A'íj puírícij i tyetyéj i maj jitzán eejcá'cataj majta jitzán eetávitzej.

A'yaa mu jitzán tyitye'ejcá'cataj, a'íjna jime' maj quee ja'tzaahuatye' i nyúucarij, a'yaa pul'ij tyí'xa'puí' hua' jimi.

⁹Siajta mua'aj xu tyeítyeera' pué'een i Dios ti hua'antyíhuoj, sij sij jamuán tyu'ta'íjtaj, siajta séej chuéj japua já'ma'can ti naa een, séej xu chájta'naj pué'een Dios ti jitze ajtyáma'can. A'yaa pul'ij tyí'een sij sij mua'aj tyihuo'té'extaatyee' en a'íjna jitze ma'can i Dios, i ti jamuaatajé sij sij quee che' tíca'riste' séjre'ej, sulu sij sij a'áa jo'tyá'ítzeere' en jo'tij tyámua' naa tyojó'nyeeril'ij. ¹⁰Jájcua'j imuáj caxu tyeítyeristyamua'me' en pué'eenye'ej i Dios, siajta ijíj xu seríj tyeítyeristyamua'me' en pué'een i Dios, ajta a'ájna imuáj capu jamuá'cu'vajca'aj i Dios, ajta ijíj pu arí jamuá'cu'vej.

A'yaa xu tyí'tyechajcaj mati'ij i maj jahuíre' i Dios

¹¹Nye'ihuáamua' mu nyaj já'muaxie've', a'yaa nu tyaja'muahuavij sij a'yan séjre'ej mati'ij a'íimaj i maj séej chuéj japua já'ma'can, caxu tyí'tá'care' en sij sij ja'rá'astijre' en a'íjci i ti je'ej pua'aj een, i ti ajta jin nyo'se' i já'muajuuricamej. ¹²Tyámua' xu'uj a'íjma jimi i maj quee tyá'tzaahuatye'. A'yaa mu mij a'íimaj tyaja'muaséejran sij tyámua' ricij, tyij majta ijíj je'ej pua'aj tyaja'muaxaj, a'íi mu tyaatatyójtzi're'ej i Dios a'ájna xicáara' ti jitzán néijmi'caa tá'xijtye' en.

¹³A'íjna jitze ma'can i tavástara' xu hua'rá'astijre' en i maj tyi'tíj jin antyúumua'reej, a'íjci i ti a'íjna jin tyi'tyéjvee ti'ij néijmi'i jin tyu'ta'íjtaj, ji'nye a'íi pu a'íin pué'een i ti jéetze' va'cán jin tyí'huire', ¹⁴tyajta a'íjma i tajtúhuaanyij, i maj tyí'ijta mej mij puéjtzij huo'tá'an a'íjma i maj je'ej pua'aj tyityetyúucha'ij, ti ajta tzáahuatyi'ra'aj hua' jimi tyí'cha'ij i maj tyámua' ricij. ¹⁵Ji'nye a'yaa pu i Dios tyá'xie've' sij tyámua' tyityetyúucha'íij, mata'aj mij quee je'ej tyaja'muaxajtaj a'íimaj i maj quee ma'umuámua're', majta i maj quee tyi'tíj mua'reej.

¹⁶Siata'aj a'yan tyityetyúucha'íij mati'ij i tyeítyee i maj juxáahuaj mahuaci'ij, caxu a'íjna jin juxáahuaj mahuaci'ij sij sij tyi'tíj jin je'ej pua'aj huárinij. Tyámua' xu tyityahuóocha'íin, mati'ij a'íimaj i maj jahuíre' i Dios. ¹⁷Siata'aj néijmi'caa jimi tzáahuatyi'ra'aj tyí'cha'íij. Siajta huo'xié've' en i ta'ihuáamua' i maj majta tyá'tzaahuatye', siajta jéehua tzáahuatyi'ra'aj jimi tyí'cha'íij i Dios, siajta a'íjci i tajtúhuan i ti néijmi'i jin tyí'ijta.

Je'ej maj tyityetyúucha'ij i maj tyi'tíj jin tyí'huire'

¹⁸Siajta mua'aj mu sij tyí'ijtyi're', siahua'rá'astijre' a'íimaj i maj tyajá'mua'ijtye', caxu a'íjma siana'aj i maj tyámua' tyajamuájcha'ij, nusu i maj tyámua' tyí'tyetyeityee, sulu siajta xu a'íjma i maj je'ej pua'aj tyí'tyetyeityee. ¹⁹Ji'nye a'yaa pu tya'ránajchi i Dios sij a'íjna jin tyo'táviicue' i maj puéjtzij jamuatá'caa, a'íj xu jin néijmi'i

a'yan ricij je'ej ti tyí'xa'pui' i Dios jimi. ²⁰ Ji'nye tipua'aj mua'ajmaj puéjtzij majamuaata'an a'fjna jime' siaj tyi'táj je'ej pua'aj huaráj, siajta je'en a'fjna jin tyo'táviicue', capu je'ej tyajamuaatyáhuire'ej, ajta tipua'aj a'fjna jin puéjtzij majamuaata'an siaj xá'pui' ricij, siajta je'en a'fjna jin tyo'táviicue', a'fí pu ja'ráanajchi i Dios. ²¹ A'yaa pu a'fjna jin tyajamuaatajé i Dios, ji'nye i Ciriístu' pu ja'mua jitze ma'can jaapuéjtzitariaca', ajta a'fjna a'yan tyajámua'itíij siaj sij a'yan cha'taj siana'aj huárinyij. ²² Capu i Ciriístu' tyi'táj jin ootyá'itzee, capu ajta a'náj a'táj huácuanamuaj. ²³ Mati'ij je'ej pua'aj tyaatajé, capu je'ej pua'aj tyihuo'riá'hua'nyijraj, ajta mati'ij puéjtzij jaatá', capu huo'tányeechej, sulu Dios jimi pu huatóocu'vej i ti tzáahuatyí'ra'aj jin huá'xijtye'en. ²⁴ A'fí pu tajitzé ma'can jaapuéjtzitariaca' i cúruuj jitze, ajta néijmi'i tyitacáa'ri'ri' i tyaj jin á'itzeeria'ca'aj, tyej tyij tyámua' éenye'ej tá'ra'nyij. Ciriístu' pu tyu'puéjtyi'huaca' tyej tyij ityáy néijmi'i jin tyú'huaatyí'huaj. ²⁵ Ji'nye a'yaa xu mua'aj a'ájna imuáj huasé'rihua'aj mati'ij i cánya'xii maj jo'vátzij, ajta jííij xu'ríj i Ciriístu' jitze ajtyáma'can, a'fjna i ti a'yan tyaja'muacha'ij ti'ij hua' cújta' ti huaméj, ti ajta a'fjna jin antyúumua'reej ti'ij ja'mua japua huatányuunyij.

Je'ej maj tyityetyúucha'íij i maj nyejnye'i'chej

3 ¹ Siajta mua'aj mu siaj hua' írastyamua' pué'een, siahua'rá'astjire' i jucínastyamua', ta'aj ij tipua'aj síij quee já'tzaahuatya'aj i nyúucarij, a'yan éenye'que' siahua'antyímué'tin, ajta quee a'yan tyuuxié've'ej ta'mej siaj huo'té'exaatye'en, sulu a'fj xu jin huá'mue'tin a'fjna jime' je'ej siaj tyityetyúucha'íij, ² ajta mati'ij jaaséj siaj tyámua' néijmi'i jin ricij, siajta tzáahuatyí'ra'aj jimi tyícha'íij i Dios. ³ Majta a'fíimaj i já'mua'írastyamua', miche' quee huápuí'ij tyámua' ju'uuriyaj a'fjna jime' i ti jéjre' séejre', i jucípuáj jitze, nusu maj tyi'táj tyo'cóorujtyi'raxi'in ti ooroj jin tyí'taavijhua, na'ríij maj jí'rén'ye' tyu'tyóochejtye'en, ⁴ sulu miche' tyámua' huárinyij i juxiéjnyu'caa tzajta', a'fjna jime' maj tyámua' naa metyityoomuámua're'ej, ji'nye a'fí pu quee a'náj já'pua'ren, majta quee tyi'táj jin huá'muarie'ristya'aj i jucínastyamua'. A'fí pu a'fín pué'een i ti jéehua naa huasé'rin i Dios jimi. ⁵ A'yaa mu majta éenye'ej a'náj imuáj a'fíimaj i úucaa i maj jí'rén'ye'ej huatyá'itzee i Dios jimi, a'fí mu i Dios jitze tyu'cá'an majta hua'astyajca'aj i jucínastyamua'. ⁶ A'yaa pu ajta huaráj a'fjna i Sara, a'yaa tya'rá'astjire a'fjci i Abraham ajta a'yan jaatamua'aj tíjin "Nyavástara'." Siajta mua'aj xu yójmua'mua' pue'éenye'ej xá'ju'un a'fjci i Sara, tipua'aj néijmi'i jin tyámua' xáarinyij siajta quee tyí'tziinye'ej.

⁷ Siajta mua'aj mu siaj hua'cínastyamua', siata'aj tyámua' huojo'mua'raj i ju'írástyamua'. Siata'aj tyámua' tyihuo'tyátoonyij,



© 1996 David C. Cook

1 San Pedro 3:1-7

a'yan setya'mua'réeriaj maj quee juca'nyej, majta a'fjna jin antyíhuaviihuaca' mej mij ja'mua jamuán tya'ancuriáan i Dios ti tyajamuaatá'sij. A'yaa xu huárinyij, ti'ij quee tyi'táj tyajamua'antiyú'nyi'ra'an a'fjna jime' i sij jahuoo i Dios jimi.

Je'ej maj tyityetyúucha'íij i maj tyá'tzaahuatye'

⁸A'yaa xu néijmi'i mua'aj tyámua' tyí'tyechajcaj, siajta huóoxie've'en sij sij tyámua' tyuu'ihuáamua'aj tá'ra'nyij. Siata'aj tyámua' tyihuojó'mua'raj siajta quee tyi'táj jin óotzaahuatye'ej. ⁹Caxu je'ej pua'aj ja'uurej tipua'aj a'táj je'ej pua'aj já'mua'uurej, caxu siajta a'táj je'ej pua'aj tyí'xajtaj tipua'aj a'fin je'ej pua'aj tyaja'muaxajtaj. Sulu siata'aj tyámua' tyihuo'tyéjeevej, ji'nye a'fj pu jin i Dios jamuaatajé sij sij jéehua jimi tya'ancuriáan. ¹⁰A'yaa pu a'fjna jin tyé'yu'si' i yu'xarij jitze tíjin:

A'fjna i ti jaxie've' ti á'tyeevi'in júurij, ajta juxáhuaj chajca, che' quee je'ej pua'aj tyúuxajtave'en, ajta a'yan tyúuxie've' ti quee tyí'hue'tacare'en,

¹¹che' ajtára'nyij a'fjci jitze i ti je'ej pua'aj een,

ajta tyámua' tyi'tyúucha'ij tá'ra'nyij,

che' jáahuoonyij ajta a'fjci jitze ucájrutyey i ti juxáhuaj chajca.

¹²Ji'nye tavástara' pu hua'cha'íij a'fíimaj i maj tyámua'

tyityetyúucha'ij,

ajta huá'namuaj je'ej maj jimi tyá'huoo,

ajta a'fíimaj tyícha'íire' i maj je'ej pua'aj tyityetyúucha'ij.

¹³ ¿A'tanyíj je'ej pua'aj já'mua'uuren, tipua'aj mua'aj a'íjna jin setyí'tyese'ej sij a'náj tina'aj tyámua' rijcaj? ¹⁴ Ajta a'íjna jime' sij tyámua' ricij a'íj xu jin jajpuéjtzij, a'íj xu jin huatóotyamua've'en ji'nye Dios pu tyámua' tyajamuaatá'sij. Caxu sij a'tíj tziinye'ej, caxu siajta je'ej tyityóomuajtyaj, ¹⁵ sulu siata'aj jaatyátzaahuatye'en i jutzájta' a'íjci i Ciriístu' i ti ja'muavástará' pu'éen. A'náj tina'aj xu tyámua' eenye', sij sij tyámua' tyihuo'riá'hua'nyijraj a'íjma i maj tyajá'mua'ihuo' a'íjna jime' je'ej sij tyi'tíj tyi'ijchó've'ej, ¹⁶ siajta quee ootzáahuatye'ej a'yan huárinyij, sulu tzáahuatyi'ra'aj xu jin a'yan huárinyij. Tyámua' xu tyityetyúucha'íj sij sij quee je'ej pua'aj tyityóomuajtyej, ajta mej mij huatóotyevi'ra'astaj a'íimaj i maj je'ej pua'aj tyaja'muaxaj, a'íjna jime' sij tyámua' ricij mati'ij i maj tyá'tzaahuatye' i Ciriístu' jimi.

¹⁷ Jéetze' pu xá'pui' sij a'íjna jin jaapuéjtzitarej i sij xá'pui' ricij, tipua'aj i Dios a'yan tya'xié've'ej, quee tipua'aj a'íjna jin sij puéjtzij i sij je'ej pua'aj ricij. ¹⁸ Ji'nye i Ciriístu' pu séej na'aj tajitzé ma'can huamuí', ta'aj ij jusén jin tyitaatú'uunyi' i tyaj jin ootyá'itzee. A'íi pu quee tyi'tíj jin ootyá'itzeerej, ajta a'yan tyaapuéjtzitariaca' a'íjma jitze ma'can i maj je'ej pua'aj tyityetyúucha'íj, ta'aj ij mua'ajmaj jamuá'anvi'tíj i Dios jimi. A'íj pu jitze i jutyévi'j huamuí', ajta i Dios pu jaatájuurityej i ju júuricamej jime', ¹⁹ a'yaa pu'ij néijmi'i jin tyu'tyáamue'tíj ajta je'en huo'té'exaa a'íimaj i júuricamej i maj nami'huaca'aj. ²⁰ A'íimaj i maj ará'tyeej maj quee tyi'tíj á'astijria'ca'aj, a'ájna xicáara' jitze ti'ij i Noé séjria'ca'aj, ti'ij i Dios jacho'va'ca'aj ti i Noé jaatyáaahuaj i báarcuj ti ve'éj, ajta je'en séecan huatyáhuíi mej mij utyájrutyej i báarcuj tzajta' i maj aráhueecaj ará'axcaa. ²¹ Ajta i a'íjna i jájtyij a'íi pu a'íin pu'é'eenye'ej i sij jin mua'aj ijíj huái'huaca', ti'ij jamuáahuíire'en. Ajta a'íjna jime' i sij huái'huaca' capu a'yan huatóomua'aj yee sij sij a'íjna jin cóojo'sin i sij choomua, sulu sij sij jaatáhuavij i Dios, ti'ij jamuata'an sij tyámua' metyityoomuámua're'ej, ajta je'en táahuíire'en a'íjna ti i Ciriístu' huatájuuriaca', ²² ajta tajapúa jó'raa ti'ij muáca'ta' pujmua' i Dios ja'ajcáyixi'in, majta a'íjna jitze ajtyáma'cantaj muá'raa i maj tajapúa tyi'huíire', majta néijmi'i i maj tyi'tíj jin antyúumua'reej, mej mij néijmi'i tyámua' tyú'uurej.

Tyaj a'yan tyí'tyechajcaj je'ej ti i Dios tyá'xie've'

4 ¹ A'íj pu jin, a'yájna ti'ij i Ciriístu' tyaapuéjtzitariaca' i jutyévi'j jitze, a'yaa xu cha'taj siana'aj sij mua'aj huárinyij. Ji'nye a'íjna i ti arí jaapuéjtzitariaca', pu'ríj jaatapuá'citaca' i ti jin je'ej pua'aj ricij, ² ajta je'en néijmi'i jin a'yan huárinyij je'ej ti i Dios tyá'xie've' ti'ij na'aj á'tyeeren júurij, capu a'yáana'aj je'ej ti jusíj tyá'xie've' tyi'tíj jime' íyan ti ma'can cháanacaj japua.

³Xu'ríj á'tyeej siaj mua'aj a'yan cha'taj siana'aj rijcaj mati'ij a'íimaj i maj quee tyá'tzaahuatye', ji'nye a'yaa xu rijcaa je'ej ti tyajamua'ránajchica'aj a'íjna i ti je'ej pua'aj een, majta cha'mana'aj tyí'ye'estyaa, majta jéehua juta'rujve', majta hua'najchej i sáanturij i maj je'ej pua'aj huasé'rin. ⁴Ajta ijíij, caxu che' mua'aj hua' jamuán a'yan ricij a'íjna jime' i ti je'ej pua'aj een, a'íj mu jin je'ej pua'aj tyityóomuajtyej majta je'ej pua'aj tyaja'muaxaj. ⁵Ajta a'yaa pu tyihuá'ci'tyij maj tyu'taxáj je'ej maj tyi'tíj huáruuj a'íjna jimi i ti arí tyámua' huó'ruuj, ti'ij huo'xíjtye'en a'íijma i maj júurij, ajta i maj meríj huácuij. ⁶Ji'nye a'íijma i maj meríj huácuij majta mu huó'ixaaj i nyúucaria'ra' i Dios, ti'ij i júuricama'ra' i Dios hua' jimi huatyá'itzeerej, tyij majta íyan cháanacaj japua huo'xíjtyej a'yájna mati'ij i tyeétyee tyeeyí'tin.

Je'ej tyaj i séecan tyu'tyáhuire'en

⁷Pu'ríj tin a'ájna atyojo're'nyesij ti'ij néijmi'i tye'entyipuá'rij. A'íj xu jin mua'aj tyámua' metyityoomuámua're'ej, siajta tzáahuatyí'ra'aj jin jahuocaj i Dios jimi. ⁸Siajta jéehua huóoxie've'en, ji'nye a'yaa xu siajta a'íjna jin tyu'túu'uunyi'raj. ⁹Siata'aj tyámua' tyihuo'taxié've'en séej siajta séej i juchéj, caxu je'ej siana'aj tyí'tyenyuucan. ¹⁰Siata'aj tyámua' tyú'cha'íin je'ej ti tyi'tíj i Dios tyajamuaatapuéjve, siajta a'íjna jin a'yan huárinyij siaj sij huo'tyáhuire'en séej siajta séej. ¹¹Tipua'aj a'tíj tyí'xajtaj, che' a'íjna jin tyu'taxáj i nyúucaria'ra' i Dios. Ajta tipua'aj a'tíj tyi'tíj jin tyí'huire'ej, che' a'yan huárinyij a'íjna jítze arooca'nyáaj i ca'nyíjra'aj Dios ti jaatá'. Je'ej siaj néijmi'i tyi'tíj jin ricij, a'yaa xu huárinyij siaj sij néijmi'i tyaatatyójtzi're'en i Dios, a'íjna jítze ma'can i Jesús ti ajta Círíistu' pué'een, a'íjna i ti jitzán eeráma'can i ti naa huasé'rin, a'íi pu ajta néijmi'i putyí'uurej. Che' a'yan tyá'ra'nyij.

Maj a'yan tyaapuéjtzitarej mati'ij i maj tyá'tzaahuatye' i Círíistu' jimi

¹²Nye'ihuámua' mu nyaj já'muaxie've', caxu je'ej tyityóomuajtyaj tipua'aj tyi'tíj jin xá'viicue'ria'aj, nusu tyi'tíj je'ej já'mua'uurej i siaj quee jamua'tyej. ¹³Sulu siata'aj huatóotyamua've'en, a'íjna jime' siaj jamuán jajpuéjtzij i Círíistu', siaj sij siajta huatóotyamua've'en a'ájna xicáara' tyaj jitzán jaséjran i tavástara'. ¹⁴Siata'aj huatóotyamua've'en, tipua'aj a'tíj je'ej pua'aj tyaja'muaxajtaj a'íjna jime' siaj Círíistu' jítze ajtyáma'can, ji'nye a'íi pu i júuricama'ra' i Dios a'náj tina'aj ja'mua jimi séejre'. ¹⁵Tipua'aj síij ti ja'mua jítze ajtyáma'can tyi'tíj jin jajpuéjtzij, che' quee a'íjna jime' ti séej huajé'caj, nusu ti tyi'tíj huanáhua'an, na'ríij tyi'tíj je'ej uuriajca'aj ti quee jitzán juxie've'. ¹⁶Ajta tipua'aj a'íjna jin jajpuéjtzij ti i Círíistu' jimi ajtyáma'can, che'

quee jutyevi'ra'aj, sulu che' tyaatatyójtzi're'en i Dios, a'fjna jime' ti i Ciríistu' jitze ajtyáma'can.

¹⁷Pu'ríj a'ájna atyojo're'nyej tí'ij Dios huoxájtye'en i jutyétyeristyamua'. Ajta tipua'aj arí a'yan tyu'tyóchej ityájma jimi, ¿je'quij tye'mej a'fímaj jimi i maj quee ja'tzaahuatye' i nyúucaria'ra' i Dios? ¹⁸Ajta tipua'aj a'fjna i ti tyámua' tyi'tyúucha'ij muárie'rij jin jáahuii, ¿je'quij tye'mej a'fíjma jimi i maj je'ej pua'aj tyityetyúucha'ij ajta a'fímaj jimi i maj je'ej pua'aj ricij? ¹⁹A'fj pu jin i maj jajpuéjtzij i Dios jitze ma'can, miche' móoj xá'pu' rijcaj, majta i Dios jimi huatóocu'ven i ti yan huot'yájto, ji'nye a'fí pu quee a'náj tyi'tfj jin ootyá'itzeerej.

Pedro pu ca'nyíjra'aj hua'tá'caa i huásij i maj tyeyúuj tzajta' tyí'ijta

5 ¹A'yaa nu nyijta ijíj tyá'xie've' nyaj ca'nyíjra'aj huotá'an néijmi'caa i huásij i maj tyí'huüre' jo'siaj jóosi'rii, nyáaj nu nyajta vásti' pué'een, mati'ij a'fímaj, nyajta tyu'séj je'ej ti tyaapuéjtzitariaca' i Ciríistu', a'yaa pu'ij ajta nyéetzij tyí'nyaci'tyij a'fjna i ti huápu'ij naa huasé'rihua'aj ja'mej i Dios jimi. ²Tyámua' xu tyihuó'cha'íin a'fímaj i maj tyeítyeristyamua'me'en pué'een i Dios, je'ej ti ajta arí a'fín tyajamuaata'fj, juxié'vi'ra' xu jin a'yan huárinyij, je'ej ti i Dios tyá'xie've', caxu ca'nyéjrij jin a'yan rijcaj nusu siaj sij a'fjna jin túmii huamué'tin, sulu a'yaa xu huárinyij xuutyámua've'ej. ³Siata'aj quee óotzaahuatye'ej mati'ij i maj va'cán jin antyúumua'reej, mej mij ca'nyéjrij jin a'yan huárinyij a'fímaj i siaj huá'cha'ij, sulu siata'aj tyámua' tyihuó'mua'tyen. ⁴A'yaa pu'ij tí'ij huataséjre'en a'fjna i ti néijmi'i jin antyúumua'reej, mua'aj xu ja'ancuriái'sij a'fjci i cúruun ti quee a'náj je'ej rinyij sulu ti jusén jin séeria'aj ja'mej.

⁵A'yaa xu cha'taj siana'aj mua'aj mu siaj tyámua, siata'aj hua'rá'astijre'en i huásij. Siata'aj néijmi'i jin a'yan huárinyij, siaj sij quee ootzáahuatye'ej siahua'rá'astijre', ji'nye a'yaa pu tyé'yu'si' tíjin:
Dios pu quee hua'xie've' a'fíjma i maj óotzaahuatye',
ajta a'fí pu tyámua' tyihuá'huüre' a'fímaj i maj quee óotzaahuatye'.

⁶Siata'aj quee óotzaahuatye'ej a'fjna jimi i Dios, i ti néijmi'i jin antyúumua'reej, ta'aj ij a'fín va'cán jin tyajamuaata'fjtye'en, a'náj ti a'yan tyajamuaaxá'pu'íntari'ri'. ⁷Siata'aj i Dios jimi néijmi'i tyu'tyátoonyij a'fjna i siaj jin je'ej tyityóomuajtyej, ji'nye jéehua xu jitzán juxie've'.

⁸Tyámua' xu metyityoomuámua're'ej, siajta tyámua' tyí'tye'ixie'ria'aj, ji'nye a'fjna i tyiyáaru' i ti jamuájcha'íire', a'yaa pu metyojo'jijhuan tí'ij muájyey a'fjna jime' ti jahuoo i ti jaatyájcí'mej. ⁹Siata'aj huatyóoca'nyej, siajta tyámua' eenye' a'fjci jitze i siaj jitzán tyá'tzaahuatye', a'yan setya'mua'réeriaj ti a'yan cha'tána'aj

tyihuá'uurej i ja'mua ihuáamua' i maj a'yan huacháatimee néijmi'que' i cháanacaj japua. ¹⁰ Ajta siati'ij a'yan tyaapuéetzitaren, Dios pu tyámua' já'mua'uuren, siaj sij quee tyi'tíj jin á'itzeeria'aj, siaj sij a'íjna jitze tyú'ca'nyej. A'íi pu a'íin pué'een i Dios i ti taatajé tyej tyij jamuán séeria'aj tá'ra'nyij i Ciríistu' ti ajta Jesús pué'een. ¹¹ Che' a'íin a'íjna jin tyi'tyáaaca'aj i ti néijmi'i jin antyúumua'reeria'aj jusén jime'.

Hua'tyojtye' ajta je'en ja'antypuá'rij

¹² A'yaa nu cii tyajá'muayu'se'ej a'íjna jamuán i Silvano, i ti a'íin pué'een síij i nye'ihuáara', tiquee tyi'tíj jin á'itzeere', nyej nyij ca'nyíjra'aj jamuaata'an, ajta siaj sij jáamua'reej ti i Dios tzáahuatyí'ra'aj jin tyámua' tyitatá'caa. A'náj tina'aj xu tyámua' eenye' a'íjna jime' i siaj juxie've'.

¹³ A'íimaj i maj a'áa jóosi'rii a Babilonia, i ti Dios ajta hua'antypuá'rij tii'ij mua'ajmaj, a'íimaj mu yajá'muatyojtye', a'íi pu ajta yajá'muatyojtye' i nyiyóoj i Marcos. ¹⁴ Siata'aj huatóotyoytye'en xui'tyooopu'í'tza'xi'in a'íjci jime' siaj juxie've' síij ajta síij. Tyámua' xu tyí'tyesejre'ej, mua'aj mu siaj Ciríistu' jitze ajtyáma'can.